

V  
G133.76  
T78


4



臟腑證治圖說人鏡經卷之六

肝膽圖

從心系發來



臟腑之中相綴者惟二前則脾綴於胃此則膽綴於肝胃惟上下貫通故有出納膽系雖聯於肝無出無入設或受大驚而膽喪則膽汁始滲於外而有目青口苦之證矣其位居右而其治在左者以木位東方故也



丑肝木主足厥陰經子膽主足少陽經此二經爲表裏肝有兩葉如木甲拆之象又云左三右四凡七葉言兩葉者舉其大言七葉者盡其詳左三右四亦自陰陽之義肝屬木爲少陽故其數七其中各有支絡血脉以宣發陽和之氣竈之宮故藏真散於肝肝藏主筋膜之氣也其位居右脇之前並胃着脊之第九椎其治在左

經云肝者將軍之官謀慮出焉

難經曰肝重四斤四兩左三葉右四葉凡七葉主藏竈

肝青象木肝得水而沉木得水而浮何也然肝者非爲純木也乙角也庚之柔大言陰與陽小言夫與婦釋其微陽而吸其微陰之氣其意樂金又行陰道多故令肝得水而沉也肝熟而復浮故知乙當歸甲也肝色青其臭臊其味酸其聲呼其液泣

木旺於春相於冬廢於夏囚於季夏死於秋其王日甲乙王時平旦日出其困日戊巳困時食時日昃其死日庚辛死時晡時日入

經曰肝者罷極之本魂之居也其華在爪其充在筋以生血氣此謂陽中之少陽通於春氣



東方青色入通於肝開竅於目藏精於肝其病候驚駭

肝氣通於目目和則知黑白矣

風氣通於肝

精氣并於肝則憂

肝惡風

酸走筋筋病無多食酸

久行傷筋勞傷肝也

恚怒氣逆上而不下則傷肝

損其肝者緩其中

足厥陰氣絕卽筋縮引卵與舌卷厥陰者肝脉也肝者筋之合也筋者聚於陰器而絡於舌本故脉不榮卽筋縮急筋縮急卽引卵與舌故舌卷囊縮此筋先死庚日篤辛日死

假令得肝脉其外證善潔面青善怒其內證臍左有動氣按之牢若痛其病四肢滿閉淋瀝便難轉筋有是者肝也無是者非也

肝俞在脊九椎傍募在乳下期門

膽俞在十椎傍募在乳下傍日月

青欲如蒼璧之澤不欲如藍又云青欲如縞裹紆又



云青欲如翠羽者生如草滋者死

肝熱病者左頰先赤

肝熱病者小便先黃腹痛多臥身熱熱爭則狂言及驚脇滿痛手足躁不得安臥庚辛甚甲乙大汗氣逆則庚辛死刺足厥陰少陽

肝氣虛則恐實則怒

邪在肝則兩脇痛中寒中惡血在內肝善癢節肘腫肝脹者脇下滿而痛引小腹

肝水者腹大不能自轉側兩脇下腹中痛時時津液微生小便續通

肝著者其病人常欲蹈其胸上先未著時但欲飲熱

著本病也若時指病時也

肝瘧者令人色蒼蒼然太息其狀若死者刺足厥陰見血

脾移寒於肝癰腫筋攣

脾移熱於肝則爲驚魘

肝欬之狀欬則兩脇下痛甚則不可以轉轉則兩脇下滿

肝風之狀多汗惡風善悲色微蒼嗑乾善怒時增女子診在目下其色青



肝痺者夜臥則驚多飲數小便上引小腹如懷疰狀  
肝病主胸中喘怒罵其脉沉胸中窒欲令推按之有  
熱鼻窒

推盪也  
擠也

凡有所墜墮惡血留內若有所大怒氣上而不下積  
於左脇下則傷肝肝傷者其人脫肉不臥口欲得張  
時時手足青目瞑瞳人痛

肝氣虛則夢園死生花草盛則夢怒厥氣客於肝則  
夢山林樹木

肝積曰肥氣在左脇下

左關肝膽脉所出

沉短而弦急者肝也  
弦緊而浮長者膽也

肝脉弦而長肝合筋脉循筋而行持脉指法如十二  
菽之重按至筋而脉道如箏弦相似爲弦次稍加力  
脉道迢迢者爲長

帝曰春脉如弦何如而弦岐伯曰春脉者肝也東方  
木也萬物之所以始生也故其氣來奭弱輕虛而滑  
端直以長故曰弦反此者病帝曰何如而反岐伯曰  
其氣來實而強此謂太過病在外其氣來不實而微  
此謂不及病在中帝曰春脉太過與不及其病皆何  
如岐伯曰太過則令人善怒忽忽眩冒而顛疾其不  
及則令人胸痛引背下則兩脇胠滿



肝脉來奭弱招招如揭長竿末稍曰肝平春以胃氣  
爲本病肝脉來盈實而滑如循長竿曰肝病死肝脉  
來急益勁如新張弓弦曰肝死

真肝脉至中外急如循刀刃責責然急勁而強貌如按琴

瑟弦色青白不澤毛折乃死

肝脉搏堅而長色不青當病墜若搏因血在脇下令

人喘逆其奭而散色澤者當病溢飲溢飲者渴暴多

飲而溢入肌皮腸胃之外也搏謂搏擊於手也

肝脉急甚爲惡言微急爲肥氣在脇下

肝病胸滿脇脹善悲怒呌呼身體有熱而腹惡寒四

肢不舉面目白身清其脉當弦長而急今反短濇其

色當青而反白者此金尅木十死不治清冷也

春肝脉欲弦而長心脉欲弦而洪浮脾脉欲弦而緩

肺脉欲弦而微浮腎脉欲弦而沉濡命門脉欲弦而

滑

膽在肝之短葉間重三兩三銖盛精汁三合

膽者中正之官決斷出焉故凡十一藏皆取決於膽

也又云膽者清淨之府也有入而無出膽爲青腸

膽病者善太息口苦嘔宿汁心澹澹然如人將捕之

噓中介介然數唾候在足少陽之本末其脉陷下者



灸之其寒熱刺陽陵泉善嘔苦汁長太息心澹澹善  
悲恐如人將捕之邪在膽逆在胃膽溢則口苦胃逆  
則嘔苦汁刺三里以下胃氣逆刺足少陽血絡以閉

膽介音

膽脹者脇下痛脹口苦太息

厥氣客於膽則夢闕訟

脾胃氣虛不能以食由膽氣不升所以東垣有用升

麻柴胡左遷少丁膽之氣

胃移熱於膽則又休

勇士則膽滿而士則膽不滿而縱

膽應爪爪厚色黃者膽厚爪薄色紅者膽薄爪堅色  
青者膽惡爪濡色赤者膽緩爪直色白無約者膽直  
爪惡色黑多紋者膽結也



卷六



音端大敦循膝股上行至期門穴止

大循足跗上廉

中都交出太陰之後上臆

內廉循股入陰中環陰器抵小腹挾胃屬肝絡膽上

貫膈布脇肋循喉嚨之後上入頰頰連目系上出額

與督脉會於顛其支者從目系下頰裏環唇內其支

下七家集  
著錄

厥陰大敦三毛聚行間骨間動脉處節後有絡連五

會太冲之脉誠堪據中封一寸内踝前蠡溝踝上五

寸注中都還在復溜宮陰陵膝尖兩折中膝關犢鼻

下二寸曲泉紋頭兩筋逢陰包四寸膝臙上內廉筋







足少陽膽之脉起於目銳眦上抵角下耳後循頸行  
手少陽之前至肩上却交出手少陽之後入缺盆其  
支者從耳後入耳中出走耳前至目銳眦後其支者  
別印銳眦下大迎合手少陽於頰下加頰車下頸合  
缺盆下胸中貫膈絡肝屬膽循脇裏出氣衝繞毛際  
橫入髀厭中其直者從缺盆下腋循胃過季脇下合  
髀厭中以下循髀陽出膝外廉下外輔骨之前直下  
抵絕骨之端下出外踝之前循足趺上入小指次指  
之間其支者別跗上入大指循岐骨內出其端還貫  
入爪甲出三毛

少陽瞳子起目外耳前陷中尋聽會上關耳前開有  
空額厭腦空上廉係懸顙正在顙顙端懸釐腦空下  
廉看曲鬢掩耳正尖上率谷耳鬢寸半安本神耳上  
入髮際四分率橫向前是曲鬢之旁各寸半陽白眉  
上一寸計臨泣有穴當兩目直上髮際五分屬目窓  
正營各一寸承靈營後寸半錄天冲耳上二寸逢浮  
白髮際一寸從竅陰枕下動有孔完骨耳後四分通  
腦空正夾玉枕骨風池後髮際陷中肩井骨前寸半  
看淵腋腋下三寸安輒筋平前却一寸日月期門同  
寸半直上五分細求之京門監骨腰間便帶脉季脇



寸八分五樞帶下三寸存維道五寸三分得居髀八寸三分捫脇堂腋下看二骨環跳髀樞宛宛論兩手着腿風市謀膝上五寸中瀆搜陽關凌泉上三寸陽陵膝下一寸求陽交外踝斜七寸正上七寸尋外丘光明除踝上五寸陽輔踝上四寸收懸鍾三寸看絕骨丘墟踝下陷中出臨泣寸半後俠谿五會一寸灸早卒俠谿小指歧骨間覈陰小指之端覓足少陽膽經多氣少血

是動病則口苦善太息心脇痛不能轉側甚則面微塵體無膏澤足外反熱是謂陽厥是主骨

有

所生病者頭角頷痛目銳眦痛缺盆中腫痛腋下瘰馬刀挾癭汗出振寒瘧胃脇肋髀膝外至脛絕骨外踝前及諸節皆痛小指次指不用盛者人迎大一倍於寸口虛者人迎反小於寸口也

厥陰司天風淫所勝平以辛涼佐以苦甘以甘緩之

以酸瀉之

主上半年

在泉風淫於內治以辛涼佐以苦以甘緩之以辛散

之

主下半年

六氣厥陰之勝治以甘清佐以苦辛以酸瀉之

厥陰之復治以酸寒佐以甘辛以酸瀉之以甘緩之



木位之主其瀉以酸其補以辛

厥陰之客以辛補之以酸瀉之以甘緩之

丁壬化木木運之音曰角壬陽爲太角丁陰爲少角  
平爲正角

東方屬木而生風東乃卯位爲日升之初風乃氣也  
爲歲令之始天之使也所以發號施令故自東方生  
也景霽山昏蒼埃際合崖谷若一此巖岫之風也黃  
白昏埃晚空如赭獨見天垂此川澤之風也加以黃  
黑白埃承下此山澤之猛風

木運太過發生之紀其政風動生榮脾土受

飧泄食減體重煩冤腸鳴腹支滿上應歲星

木運不及委和之紀其政風燥斂木衰燥行生氣失  
應草木晚榮肅殺而甚則剛木辟著柔萎蒼乾民病  
中清肱脇痛少腹痛侮反受邪脾病則腹鳴溇泄金  
土並化則涼雨時至上應太白星

木運平氣敷和之紀陽舒陰布五化宣平其氣端其  
用曲直其化生榮其類草木其候溫和其令風其臟  
肝其畏清其主目其蟲毛其畜犬其病裏急支滿

厥陰風木主初之氣在大寒後六十日有奇天度至  
此風氣乃行爲天地神明號令之始也



厥陰司天風淫所勝則太虛埃昏雲物以擾風動飄  
蕩寒生春氣流水不冰土氣受制蟄蟲不出民病舌  
本強食則嘔腹脹澹泄痼水閉此脾病也至於腹脇  
胃脘當心而痛上支兩脇鬲咽不通食飲不下胃病  
也冲陽脉絕者死不治痼謂裏急後重頻至圍而不便也圍音青厠也  
厥陰在泉風淫所勝則地氣不明平野昧草木早秀民  
病灑灑振寒善伸數欠心痛支滿兩脇裏急飲食不  
下鬲咽不通皆胃病也食則嘔腹脹善噫得後與氣  
則快然如衰身體皆重此脾病也

足厥陰少陽引經藥歌

丑肝龍膽吳山萸瞿麥阿膠甘草扶代赭紫英歸白  
朮青皮羌活蔓荊都

子膽柴胡半夏宜草龍膽劑更爲奇柴胡又走青皮  
下向導功多不必疑

肝膽補瀉藥方法

肝膽木味辛補酸瀉氣溫補涼瀉肝膽經有前後寒  
熱不等逆順互換入求責法責法解見前

肝苦急急食甘以緩之欲散急急食辛以散之以辛補  
之以酸瀉之

肝氣盛則苦急急緩與急反故以甘和緩之肝木病



因受制於金散則金不制而木得旺故欲散辛能散故急食辛以散之辛能益肝故辛以補之酸能瀉木故以酸瀉之酸性收而逆肝故曰瀉

肝苦急急食甘以緩之甘草

肝欲散急食辛以散之川芎

以辛補之細辛

以酸瀉之白芍藥

肝虛以生薑陳皮補之經曰虛則補其母水能生木腎乃肝母苦以補腎熟地黃藥補之如無他證錢氏地黃丸主之

肝實以白芍藥瀉之如無他證瀉青丸主之實則瀉其子心乃肝子以甘草瀉心

肝主風自病則風搖拘急急食甘以緩之佐以酸苦以辛散之實搖力大瀉青丸虛搖力小地黃丸心乘肝實邪壯熱而搖利驚丸

肺乘肝賊邪氣盛則前伸呵欠微搖法當瀉肺先補本藏肝地黃丸後瀉肺瀉白散

脾乘肝微邪多睡體重搖先當定搖瀉青丸搖止再見後證則別法治之

腎乘肝虛邪憎寒呵欠而搖羗活膏



凡肝經得病必先察其肺腎兩藏原其起病然後復  
審肝經之虛實然腎者肝之母金者木之賊今肝得  
病若非腎水不能相生必是肺金鬼來相攻故須審  
其來在肺先治肺攻其鬼也其來在腎先補腎滋其  
根也方審本藏虛實而用寒溫之劑以治之若肺尅  
肝既受病先診肺脉若洪宜此方

柴胡 前胡 杏仁 貝母 紫苑 桔梗

麻黃 黃芩 牡丹皮 蘇子 各一錢 蒼朮 六分

右爲散每服三錢水一盞薑一片煎六分熱服

瀉青丸一名瀉肝丸

當歸 草龍膽 川芎 梔子仁 大黃

羌活 防風 各等分

右爲末煉蜜爲丸如雞豆大每服十丸竹葉湯化下

補肝丸

卽四物湯加防風羌活爲末煉蜜爲丸

鎮肝丸治肝虛

卽瀉青丸去梔子大黃水爲丸

竹瀝泄熱湯治肝熱陽伏喘悶目不明狂亂

竹瀝 一盞 麻黃 大青 梔子 升麻 茯苓

玄參 知母 各錢五分 生薑 石膏 各五分 生薑



芍藥

錢各三

右咬咀水二鍾煎至八分去渣下竹瀝再煮三沸食前熱服欲利下去芍藥加芒硝

補肝湯治肝不足兩脇滿筋急不得太息四肢厥發瘡心腹痛目不明及婦人心痛乳癰消渴口面青

山茱萸

甘草

桂心

錢各三

桃仁

五枚

大棗

三枚

栝子仁

細辛

茯苓

防風

錢各二

右咬咀水二鍾煎八分去渣服

補肝散治左脇偏痛宿食不消及目瞋風淚

山茱萸

桂心

天雄

茯苓

人參

各五分

川芎

白朮

獨活

五加皮

大黃

錢各五

陳皮

八分

防風

乾薑

丹參

厚朴

細辛

桔梗

各一兩

甘菊

甘草

錢各六

貫衆

陳麥麴

麥蘖

各二兩

右爲末酒服方寸七日二服

治肝實熱上攻眼目赤腫疼痛

蔓荊子

菊花

荊芥穗

羌活

防風

蒺藜

牛旁子

連翹

錢各五

右爲末每服一錢熟湯下

治肝原虛冷多困口淡耳鳴眼暗面青黃神不快



黃芪 防風 石斛 當歸 白芷 藿香

沉香 蒺藜 附子炮 五味 川芎 吳茱萸

官桂 羌活 桑寄生各等分 木香減半

右爲末每服三錢水一大盞棗一枚煎五沸熱服  
半夏湯治膽腑實熱精神不守

半夏 宿薑各三兩 黃芩一兩 生地四兩 遠志

茯苓各二兩 秫米五升即糯米 酸棗仁四合

右咬咀以千里長流水一斗煮米令爛目沸三十餘  
遍澄取五升入藥煮三升分四服

溫膽湯治大病後虛煩不寐此膽寒也

卽二陳湯加枳實竹茹

治膽熱口苦神昏多睡左關脉實大

黃連 黃芩 茯苓 麥門冬 升麻各等分

右爲末每服三錢水一盞煎七分食遠服

治膽虛冷頭疼心悸如人將捕精神不守

五味 茯苓 人參 川芎 遠志 酸棗仁

麥門冬 乾地黃等分 桑寄生五錢

右爲末每服三錢水一盞棗二枚煎七分去渣服  
酸棗仁丸治膽氣實熱不得臥神不安

茯苓 棗仁炒 遠志 栢子仁 防風各一兩